

Broj:
Sarajevo, 22.04.2024.godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO ZDRAVSTVA

KLINIČKI CENTAR UNIVERZITETA U SARAJEVO broj: 1		
PRIMLJENO: 23-04-2024		
Organizaciona jedinica	Recept broj	Broj prijave
01	04-4	15286

n/r Ministar, mr.sci.dr.med. Enis Hasanović

Predmet: Odgovor na zastupničku inicijativu, dostavlja se

Poštovani,

Obzirom da je Ministarstvo zdravstva Kantona Sarajevo zaprimilo akt upućen od Skupštine Kantona Sarajevo br: 01-04-53807/23 sa zastupničkom inicijativom zastupnice u Skupštini Kantona Sarajevo, Fatime Gavrankapetanović-Smailbegović, putem Skupštine Kantona Sarajevo, na 13.radnoj sjednici Skupštine KS, u okviru tačke dnevnog reda „poslanička/zastupnička pitanja, inicijative i odgovori“, molim Vaš odgovor.

Inicijativa se odnosi na to da se pokrene nabavka Lokomat koji predstavlja robotsku rehabilitaciju gornjih i donjih ekstremiteta sa ciljem oporavka izgubljene motorike.

Povodom istog, Klinika za fizikalnu medicinu i rehabilitaciju, i Klinički centar Univerziteta Sarajevo u potpunosti podržava ovu inicijativu što bi potpomoglo pokretanje prvog Robotski potpomognutog neurorehabilitacijskog centra u Federaciji Bosne i Hercegovine koji bi se nalazio u sastavu Klinike za fizikalnu medicinu i rehabilitaciju KCUS-a.

Naime, prateći trendove moderne fizikalne medicine i rehabilitacije, kao neizostavan segment se nameće inovativna robotski potpomognuta neurorehabilitacija, koja ubrzava i olakšava oporavak ciljne grupe pacijenata.

Pokretanje Centra podrazumijeva u početnoj fazi, nabavku robotskog egzoskeletona za potpomognutu rehabilitaciju donjih ekstremiteta kod odraslih osoba uz pomoć kompjuterski kontrolisanih ortoza za potpomognuto kretanje - Lokomat Combi. U sljedećoj fazi potrebno je, pored Lokomata Combi, nabaviti i Armeo Power aparat za gornje ekstremitete. Uz dodatnu nabavku pedijatrijskih ortoza, Lokomat omogućava i rehabilitaciju pacijenata u pedijatrijskoj dobi.

Nabavkom Lokomata omogućili bi efikasne najsavremenije terapije u zavisnosti od kapaciteta, za hospitalizirane pacijente tako i pacijente koji svakodnevno dolaze na terapiju (ambulantni tretman).

Klinika za fizijatriju i rehabilitaciju je ustanova na tercijarnom nivou liječenja, posjeduje kadar koji je spreman i na obavljanje edukacija, ali nam nedostaje oprema.

Nabavkom ovog aparata vjerujemo da će se povećati broj pacijenata ne samo iz Bosne i Hercegovine, već i iz susjednih država.

Apsolutno podržavamo ovu inicijativu koju je uputila zastupnica u Skupštini Kantona Sarajevo, Fatima Gavrankapetanović-Smailbegović, koja je od višestruke koristi za pacijente različitih oboljenja.

Kolektiv Klinike za fizijatriju i rehabilitaciju KCUS-a bi bio jako sretan kada bi u svakodnevnoj praksi bio u mogućnosti koristiti ove uređaje.

S poštovanjem,

Šef Klinike

Prof.dr Edin [redacted] vić



Direktor Internističke discipline

Prof.dr Alen [redacted] r

v.d. Generalni direktor KCUS-a

Prim. doc. sc. med. dr. Alen Pilav

Dostaviti:

- Naslovu
- Skupština Kantona Sarajevo
- Zastupnica Stranke za BiH, Fatima Gavrankapetanović-Smailbegović
- a/a